



# Tuhagakhaq

Ministauyuq naunaiqtiriyaa Ikayuuhiatigut (qablunaatitut taiyauyuq Income Support-mik) Ikayuuhiatigut Ihuigiyunik Katimayiit tikkuaqtauhimayut

**IQALUIT, NUNAVUT (Tisaipa 16, 2009)** - Nangariyaayuq Louis Tapardjuk, Ministauyuq Ilniaqtuliqiyikkunnut, ublumi uqaqtuq tikkuaqtauninnganik 8nguyut Nunavunmiutat Ikayuuhiatigut (qablunaatitut taiyauyuq Income Support-mik) Ikayuuhiatigut Ihuigiyunik Katimayiit. Titiraqhimayumi *Ikayuuhiatigut Maligaq*, tamna Katimayiit munariyukhaq tuhaagiami ikayuuhiatigut ihuigiyut tahapkuninnga qanuqtut tuniyauyut Ikayuuhiat tamainni Nunavunmi.

“Quviahuktunnga uqariamni tikkuaqtauhimayut Nunavut Ikayuuhiatigut Ihuigiyunik Katimayiit,” Ministauyuq Tapardjuk uqaqtuq. “Nunavunmiutat ikayuqtauyumayut ikayuuhiatigut ihivriuqtaunnginnarialik uktuutingit ihuigiyunik nunamikni ikayuuhiatigut ihuigiyunik ihumaliuqtukhat. Tamarmik ikayuuhiaqtut tuhaqtauyukhauyut ihuaqtumik nakuuyumiklu pipkailutik, humaangittuq kitumi nunagiyanganik nunavunmi,” uqaqtuq Tapardjuk. “Una naunaipkairutigiya Kavamakput akhuurutigiyananik titiraqhimayumi *Tamapta-mi* maligangani tamaita inuit ihariagiyanit pipkaihimaluni.”

Hapkuat katimayiuyut Ikayuuhiatigut Ihuigiyunik Katimayiit:

- Jack Anawak, Iqaluit
- Zeke Ejetsiak, Kinngait
- Ammie Kipsigak, Sanirayaak
- Sara Minogue, Iqaluit
- Gordon Rennie, Iqaluit
- Phoebe Sowdluapik, Pangnirtung
- Andre Tautu, Igluluaruk
- Nancy Uluadluak, Arviat

Jack Anawak tikkuaqtauhimaliqtuq Ikhivaupalik Katimayiuyunut, unalu Phoebe Sowdluapik tikkuaqtauhimaliqtuq Ikhivaupalik-Tuglia katimayiuyunut.

Ukiuq tamaat 6 tausit Nunavunmiutat igluqaqtut, pitqutigiyut 15 tausitik nunavunmiutat, ilauyut ikayuuhiatigut ikayuqtauyut. Ikayuuhiaq pinahuarutingit hapkuninnga ilauhimayut ikayuuhiaq, inirnitit urhuqyuatigut ikayurniq, nutaqqiqivik ikayuut unalu himmautiginiinnga havakniqmut ikayuut, unalu ilihainirmut havauhikhaq.

###

**Naunaitiarumaguvit hivayarlugu:**

Sandy Teiman

Aulapkaiyuuq, Ikayuuhiatigut

☎(867) 975-5680

ᐱᓐᓐᓐᓐᓐ ᓐᓐᓐᓐᓐᓐᓐᓐᓐ ᓐᓐᓐᓐᓐᓐᓐᓐ ᓐᓐᓐᓐᓐᓐᓐᓐ, ᓐᓐᓐᓐᓐᓐᓐᓐ, ᓐᓐᓐᓐᓐᓐᓐᓐᓐ ᓐᓐᓐᓐᓐᓐᓐᓐᓐᓐ, [www.gov.nu.ca](http://www.gov.nu.ca).

News releases are available in Inuktitut, English, Inuinnaqtun and French on [www.gov.nu.ca](http://www.gov.nu.ca).

Tuhaqtakhaq taiguanninnarialik titiraqhimayunik Inuktitut, Qablunaatitut, Inuinnaqtun Uiviititullu talvani [www.gov.nu.ca](http://www.gov.nu.ca).

Les communiqués de presse sont disponibles en inuktitut, en anglais, en inuinnaqtun et en français à : [www.gov.nu.ca](http://www.gov.nu.ca).